

四庫全書

集部

欽定四庫全書

御定佩文齋詠物詩選卷四百三十三

鷓鴣類

七言古

放鷓鴣詞

唐
柳宗元

楚越有鳥甘且腴
朝朝自名為鷓鴣
徇媒得食不復慮
機械潛發罹宜孥
羽毛摧折觸籠籠
簷煙火煽赫驚庖
厨鼎前芍藥調五味
膳夫攘腕左右視
齊王不忍殺鰥牛

簡子亦放邯鄲鳩二子得意猶念此況我萬里為孤囚
破籠展翅當遠去同類相呼莫相顧

七言律

鷓鴣

唐鄭谷

暖戲煙蕪錦翼齊品流應得近山雞雨昏青艸湖邊過
花落黃陵廟裏啼游子乍聞征袖濕佳人纔唱翠眉低
相呼相喚湘江闊苦竹叢深春日西

侯家鷓鴣

鄭谷

江天梅雨濕江離到處煙香是此時苦竹嶺無歸去日
海棠花落舊棲枝春宵思極蘭燈暗曉月啼多錦幕垂
惟有佳人憶南國殷勤為爾唱愁詞

鷓鴣

唐
韋莊

南禽無侶似相依錦翅雙雙傍馬飛孤竹廟前啼暮雨
汨羅祠畔拂殘暉秦人只解歌為曲越女空能畫作衣
懊惱澤家鷓鴣之聲非有恨年年長憶鳳城歸

鷓鴣

唐
徐夔

繡僕梅兼羽翼全楚雞非瑞莫爭先啼歸明月落邊樹
飛入百花深處煙避燒幾曾遺遠岫引雛時見飲晴川
荔枝初熟無人際啄破紅苞墜野田

五言絕句

江行雜詩

唐錢起

行到楚江岸蒼茫人正迷祇如秦塞遠格磔鷓鴣啼

聽山鷓鴣

唐顧況

誰家無春酒何處無春鳥夜宿桃花邨踏歌接天曉

鷓鴣詞

唐李益

湘江斑竹枝錦翅鷓鴣飛處處湘雲谷郎從何處歸

松滋渡

唐司空圖

楚岫積鄉思茫茫歸路迷更堪斑竹驛初聽鷓鴣啼

長沙雜詩

明楊基

花深衆禽寂格格啼山鷓撻響一燈來人歸碧湘夜

六言絕句

竹枝詞

明劉溥

江心濺濺秋影煙外亭亭綠痕帝宇祠前別思鷓鴣聲
裏黃昏

七言絕句

踏歌詞

唐
劉禹錫

春江月出大隄平隄上女郎連袂行唱盡新詞歡不見
紅霞暎樹鷓鴣鳴

玉仙館

唐
張籍

長谿新雨色如泥野水陰雲盡向西楚客天南行漸遠

山山樹裏鷓鴣啼

日晚歸山詞

唐施肩吾

虎跡新逢雨後泥，無人處洞邊谿。
獨行歸客晚山裏，賴有鷓鴣臨路啼。

聽吹鷓鴣

唐許渾

金谷歌傳第一流，鷓鴣清怨碧雲愁。
夜來省得曾聞處，萬里月明湘水秋。

放鷓鴣

唐羅鄴

好倚青山與碧雞
刺桐毛竹待雙棲
花時遷客傷離別
莫向相思樹上啼

放鷓鴣

秋入池塘風露微
曉開籠檻看初飛
滿身金翠畫不得
無限煙波何處歸

會友不至

唐成彥雄

王孫還是負佳期
玉馬追游日漸西
獨上郊原人不見
鷓鴣飛過落花谿

題嘉陵驛

唐張蠙

嘉陵路險石和泥，行到長亭日已西。
獨倚闌干正惆悵，海棠花裏鷓鴣啼。

初入湖南醴陵界

宋范成大

崖柳陰陰夾暝途，出山歡喜見平蕪。
一春客夢飽風雨，行盡江南聞鷓鴣。

閩浙之交

元馬祖常

閩嶠人居罨畫圖，客行只欲望京都。
筍輿軋軋相思嶺，

秋雨空濛叫鷓鴣

迴衡山縣望南岳呈御史完顏正夫修撰龐或

簡

元陳孚

迴雁峰前一棹孤平波如鏡
漫菰蒲楚天日落碧雲合
山北山南聞鷓鴣

過三合驛

元范梈

一春歸計又蹉跎百粵風光可奈何
縱有青山千萬疊行人長少鷓鴣多

畫竹石

元楊載

林前怪石起參差，層巒叢深使客疑。
如過瀟湘江上路，鷓鴣啼罷日西時。

鎮江寄王本中臺掾

元薩都拉

梅花落盡空吹笛，正月半頭思遠人。
兩岸好山青不斷，一江微雨鷓鴣春。

和經歷楊子承曉發山館

薩都拉

夢回山館月西斜，曙色千峰動紫霞。
杜宇一聲山竹裂。

鷓鴣飛上野棠花

黃亭驛曉起

薩都拉

積雨莓苔上壁青
曉寒山館夢初醒
鷓鴣聲裏流年度
自是行人不忍聽

送王奏差調福州

元台哈布哈

春水溶溶滿鑑湖
蘭舟長護錦屠蘇
可憐走馬關山路
榕葉陰中聽鷓鴣

山鷓鴣

明劉基

黃茅壠上雨和泥，苦竹岡頭日色低。
自是行人行不得，莫教空恨鷓鴣啼。

秋江晚渡圖

明高啟

鷓鴣飛盡一洲蘋，帆帶秋雲渡遠津。
底事顰看畫中景，昨朝曾送渡江人。

題陳大宅方壺子層層雲樹圖

明周元

昔年曾記秦川客，雲樹參差去欲迷。
日暮孤舟行不得，

鷓鴣啼過渭城西

瀟湘雨意圖

明熊直

萬木叢深日未晡
寒江煙雨翠模糊
東風無限瀟湘意
却倚篷窓聽鷓鴣

歇馬大徑山

明陳憲章

數家煙火隔林塘
一樹寒花晚自香
黃葉坡頭聊歇馬
鷓鴣聲裏見斜陽

題許子厚扇

明史鑑

好山多在石湖西
艸色新年綠未齊
亭子半開修竹裏
一簾春雨鷓鴣啼

蕭臯別業竹枝詞

明 沈明臣

田小三郎唱得工
七姊妹花開欲紅
林靜三更鷓鴣月
谿腥一陣鷓鴣風

語兒谿

沈明臣

春風來過語兒谿
野雉低飛麥浪齊
一片桑麻天氣綠
養蠶時節鷓鴣啼

山門

明孫承恩

山門落日望江干
雲樹微茫晚色寒
欲向東風歌一曲
鷓鴣聲裏豆花殘

御定佩文齋詠物詩選卷四百三十三

欽定四庫全書

御定佩文齋詠物詩選卷四百三十四

烏類 鴉同

五言古

城上烏

梁 吳均

鳴鳴城上烏翩翩尾畢逋凡生八九子夜夜啼相呼質
微知慮少體賤毛衣麤陛下三萬歲臣至執金吾

城上烏

梁 朱超

朝飛集帝城猶帶夜啼聲近日毛雖暖聞弦心尚驚

烏夜啼

北周 庾信

桂樹懸知遠風竿詎肯低獨憐明月夜孤飛猶未棲
虎賁誰見惜御史詎相携雖言入絃管終是曲中啼

晚飛鳥

隋 虞世基

向日晚飛低飛飛未得棲當為歸林遠恒長侵夜啼

羣鴉詠

唐 儲光羲

新宮驪山陰龍袞時出豫朝陽照羽儀清吹肅達路羣

鴉隨天車夜滿新豐樹所思在腐餘不復憂霜露河低
宮閣深燈隱鼓鐘曙繽紛起寒枝矯翼時相顧冢宰收
琳瑯侍臣進鸞鷺高舉摩太清永絕矰繳懼茲禽亦翺
翔不以微小故

送張兵部孟功巡河分題得屋上烏

元虞集

花發上陽春門開未央曙城柝起羣棲流光散朝羽息
影須近檐結巢願當戶轆轤轉金井終日灌嘉樹

七言古

附長短句

烏引雛

唐
韋應物

日出照東城春鳥鷓鴣雛和鳴雛和鳴羽猶短巢在深
林春正寒引飛欲集東城暖羣雛雛褫睥睨高舉翅不
及墜蓬蒿雄雌來去飛又引音聲上下懼鷹隼引雛烏
爾心急急將何如何得比日搜索雀卵噉爾雛

烏夜啼

唐
王建

庭樹烏爾何不向別處棲夜夜半當戶啼家人把燭

出洞戶驚棲失羣飛落樹一飛直欲飛上天迴迴不離
舊棲處未明重遠主人屋欲下空中黑相觸風飄雨濕
亦不移君家樹頭多好枝

題李尚文少府所藏枯柳寒鴉圖

元郭鈺

江邊獨柳飛羣鴉敗枝殘葉秋風斜石泉可飲不可啄
似聞落日鳴啞啞一段淒涼幽思足忽憶看花過韋曲
上林春早聽啼鶯太液晴波宿黃鵠

烏夜啼

明高啟

啼烏驚多棲未久半起疎桐上高柳燈下佳人顰淺眉
機中少婦停纖手月入空閨夜欲深數聲猶似聽君琴

五言律

詠烏代楊師道

唐太宗

凌晨麗城去薄暮上林棲辭枝枝暫起停樹樹還低向
日終難託迎風詎肯迷只待纖纖手曲裏作宵啼

烏

唐李嶠

日路朝飛急霜臺夕影寒
聯翩依月樹迢遞繞風竿
白首何年改青琴此夜彈
靈臺如可託千里向長安

惠崇古木寒鴉

元楊載

江上秋雲薄寒鴉散亂飛
未明常競噪向晚復爭歸
似怯霜威重仍嫌樹影稀
老僧修止觀寫物固精微

歸鴉

明高啟

啞啞噪夕暉爭宿不爭飛
未逐冥鴻去長先野鶴歸
荒邨流水遠古戍淡煙微
借問寒林樹何枝最可依

五言排律

應詔詠巢鳥

唐楊師道

桂樹春暉滿巢鳥刷羽儀朝飛麗城上夜宿碧林陲背
風蔽密葉向日逐疎枝仰德還能哺依仁遂可窺驚鳴
雕輦側王吉自相知

七言律

樓鴉

明朱曰藩

年年銀漢橋成後樓上昏鴉接翅歸御史府中棲未穩

倡家樹裏聽應稀
綠垂槐穗歲朝雨
紅入蓮衣浴晚暉
春去秋來渾底事
只輸鴻雁塞門飛

五言絕句

詠烏

唐
李義府

日裏颺朝彩
琴中伴夜啼
上林多少樹
不借一枝棲

淮陰行

唐
劉禹錫

簇簇淮陰市
竹樓緣岸上好
日起檣竿烏飛
驚五兩

絕句

元
陳高

雲合虹腰斷風回雨脚斜淺灘屯宿鷺高樹競棲鴉

前谿曲

明沈明臣

春水前谿長春雲綠樹齊門前車馬散正及曙烏啼

山景

明僧宗泐

孤邨帶寒鴉遠山涵夕霧渡頭人未歸落日風吹樹

七言絕句

丹陽送韋參軍

唐嚴維

丹陽郭裏送行舟一別心知兩地秋日晚江南望江北

寒鴉飛盡水悠悠

楓橋夜泊

唐張繼

月落烏啼霜滿天江邨漁火對愁眠
姑蘇城外寒山寺夜半鐘聲到客船

宮詞

唐王涯

鴉飛深在禁城牆多繞重樓複殿旁
時向春檐瓦溝上散開雙翅占朝光

曛黑

唐韓偓

古木侵天日已沈
露華涼冷潤衣襟
江城曠黑人行絕
惟有啼鳥伴夜砧

竹枝詞

唐 孫光憲

門前春水白蘋花
岸上無人小艇斜
商女經過江欲暮
散拋殘食飼神鴉

暴雨初晴樓上晚景

宋 蘇軾

秋後風光雨後山
滿城流水碧潺潺
煙雲好處無多子
及取昏鴉未到間

臘月下旬偶作

宋張耒

歲暮煙霜澤國寒，曉鴉鳴處是柯山。
地爐有火尊餘酒，自起焚香深掩關。

天迥

宋劉子翬

天迥孤帆隱約歸，茫茫殘照欲沈西。
寒鴉散亂知多少，飛向江頭一樹栖。

晚風寒林

宋楊萬里

已是霜林葉爛紅，那禁動地晚來風。
寒鴉可是矜渠點。

蹋折枯梢不墮楓

其二

樹無一葉萬梢枯
活底秋江水墨圖
幸自寒林俱淡筆
却將濃墨點棲烏

晚步

宋真山民

未暝先啼艸際蛩
石橋暗渡晚花風
歸鴉不帶殘陽老
留得林梢一抹紅

過李湘

金馬定國

數樹高槐散亂鴉時於缺處見黃花涼風不斷如流水
相對胡牀坐日斜

晚望

金周昂

煙抹平林水退沙碧山西畔夕陽家無人解得詩人意
只有雲邊數點鴉

寓居寫懷

金趙泂

平陸溫風雪半消孤煙籬落隔谿橋趁虛人去林臯靜
時有晚鴉銜墮樵

蔡邕道中

金 楊雲翼

水連深竹竹連沙邨落蕭蕭已暮鴉行盡畫圖三十里
青山影裏見人家

雜詩

金 劉 豫

寒林煙重暝棲鴉遠寺疎鐘送落霞無限嶺雲遮不斷
數聲和月到山家

自趙莊歸冠氏

金 元好問

杏園紅過雪披離楊柳無風綠線齊寒食人家在原野

乳鴉牆外盡情啼

秋吟

元黃庚

略約當門石徑斜
槿籬深護野人家
炊煙起處江邨晚
一片斜陽萬點鴉

枯木寒鴉

元王暉

枯樹寒梢凍欲冰
野鴉翻影若為情
錦鳩呼雨煙林外
紅杏香中過一生

別樊時中廉使

元余闕

光祿橋西惜解携，春星欲傍露盤低。
自來官柳多離思，更著城烏在上啼。

寄別

明 宋 濂

別來虎豆又生牙，尚在揚州賣酒家。
醉後清狂應不減，起拈花彈打鳴鴉。

回文

明 高 啟

風簾一燭對殘花，薄霧寒籠翠袖紗。
空院別愁驚破夢，東闌井樹夜啼鴉。

小遊仙

明張羽

門外南風吹葛花奕棋人散樹陰斜青童睡起渾無事
乞與神丹餽白鴉

香巖寺詩

明蕭宗

烏啼霜落夜漫漫風入疎櫺客枕寒戍鼓敲殘雞亂唱
半軒明月照闌干

朝鴉

明汪元錫

景陽鐘動曉鴉飛漢殿千官拜玉墀仙仗纔移東殿去

翩翩棲滿萬年枝

旅夜

明黃佐

沈水煙消膩燭黃
疎帷浮動月蒼蒼
樓鴉不避霜風惡
繞樹數聲秋夜長

春詞

明謝榛

城烏何意夜深啼
紅杏梢頭片月低
香冷熏籠人不寐
春風吹過玉欄西

郊行即事

明李先芳

城南黃葉逐人飛
城上寒鴉噪晚饑
老樹荒邨停落照
遙遙山寺一僧歸

寒鴉圖

明 黎民表

寒山寂歷野蒼蒼
繞樹驚飛不斷行
畫角一聲天欲曙
金河翻落滿城霜

歸鴉

明 沈明臣

歸鴉數點晚霞鮮
近接平蕪遠接天
記得小舟雙挂席
闔廬城外酒樓前

書去年臨別畫疎林暮鴉與季康

明程嘉燧

荒林幾點隔江山猶是離心落照間從此邗溝自明月
寒鴉無數夜飛還

夜泊梁谿

明范汭

檣上烏啼月滿灘月和殘雪耐人看半爐熱盡沈香火
消受篷窓一夜寒

御定佩文齋詠物詩選卷四百三十四

欽定四庫全書

御定佩文齋詠物詩選卷四百三十五

鵲類

四言古

魏德謳

魏
曹植

鵲之疆疆詩人取喻今存聖世呈質見素飢食茗華渴
飲清露異於疇昔衆鳥是慕

五言古

詠鵲

梁蕭紀

欲避新枝滑還向故巢飛今朝聽聲喜家信必應歸

看柳上鵲

北齊魏收

背歲心能識登春巢自成立枯隨雨霽依枝須月明疑
是雕籠出當由抵玉驚間闌拂條軟回復振毛輕何獨
離婁意傍人但未聽

園樹有巢鵲戲以詠之

隋魏澹

畏玉心常駭填河力已窮夜飛還繞樹朝鳴且向風知

來寧自伐識歲不論功早晚時應至輕舉一排空

山行見鵲巢

唐蔣冽

鵲巢性本高更在西山木朝下清泉戲夜近明月宿非
直避網羅兼能免傾覆豈憂五陵子挾彈來相逐

異鵲

宋蘇軾

昔我先君子仁孝行於家家有五畝園么鳳集桐花是
時烏與鵲巢鷺可俯拏憶我與諸兒飼食觀羣呀里人
驚瑞異野老笑而嗟云此方乳哺甚畏鳶與蛇手足之

所及二物不敢加主人若可信衆鳥不我遐故知中孚
化可及魚與鵝柯侯古循吏悃悞真無華臨漳所全活
數等江干沙仁心格異族兩鵝棲其衙但恨不能言相
對空嗟嗟善惡以類應古語良非夸君看彼酷吏所至
號鬼車

七言古 附長短句

祝鵝

唐王建

神鵝神鵝好言語行人早回多利賂我今庭中栽好樹

與汝作巢當報汝

即事

宋程俱

烏啼未必惡，麾去恨不早。
鵲噪兩耳聾，主人亦言好。
安知一喙鳴，喜戚自顛倒。
朝來羣鵲噪不已，童稚無知助。
吾喜羣鵲自與烏爭巢，慎勿喜歡真誤爾。

鵲有媒

元吳景奎

長林蕭蕭兩乾鵲，牖戶綢繆欣有託。
雄飛望望杳不歸，飲啄應憐墮矰繳。
孀雌哺驚成孤棲，月明不復從南飛。

迢迢織女隔銀浦風多巢冷將疇依花間雙鵲能占喜
來往殷勤道芳意雄鳩佻巧鳩不媒願得靈修幾同類
斯須衆鵲邀提壺入林繞樹聲相呼羣飛盡棄遺一鵲
同室定偈携諸孤疆疆和鳴如有道求牡深慚雉鳴鷺
踰牆鑽穴相窺從重歎人而不如鳥

五言律

詠鵲

唐李嶠

不分荆山抵甘從石印飛危巢畏風急繞樹覺星稀喜

逐行人至愁隨織女歸
倘遊明鏡裏朝夕動光輝

五言排律

花枝獨鵲

明 陳子陞

天上成橋罷人間化印遲
一從棲上苑那復向南枝
拂羽瓊花落穿林寶樹垂
夜飛繞明月朝語噪晴曦
表瑞巢堪詠懷仁
鷺可窺皇家時有喜
先報九重知

七言律

鄜州進白野鵲

唐 薛能

輕毛疊雪翅開霜紅紫能深練尾長名應玉符朝北闕
色柔金性瑞西方不憂雲路填河遠為對天顏送喜茫
從此定知棲息處月宮瓊樹是仙鄉

鵲

唐韓偓

偏承雨露潤毛衣黑白分明衆所知高處營巢親鳳闕
靜時閒語上龍墀化為金印新祥瑞飛向銀河舊路岐
莫怪天涯棲不穩託身須是萬年枝

鵲

唐徐夔

神化難原瑞即開雕陵毛羽出塵埃香閨報喜行人至
碧漢填河織女回明月解隨烏繞樹青銅寧愧雀為臺
瓊枝翠葉庭前植從待翩翩去又來

鵲

南唐
韓 溉

纔見離巢羽翼開盡能輕颺出塵埃人開樹好紛紛占
天上橋成草草回幾度送風臨玉戶一時傳喜到粧臺
若教顏色如霜雪應與清平作瑞來

五言絕句

詠禮部尚書廳後鵲

唐蘇頲

懷印喜將歸窺巢戀且依自知棲不定還欲向南飛

夜飛鵲

唐蔣冽

北林夜方久南月影頻移何啻飛三匝猶言未得枝

黃筌鵲雛

宋文同

短羽已褫褫弱脰方劣爰母也向何處開口猶仰食

王若水梨花山鵲

元張雨

山鵲語查查驚飛白雪花清明人載酒寒食客思家

七言絕句

閨情

唐李端

月落星稀天欲明，孤燈未滅夢難成。
披衣更向門前望，不忿朝來喜鵲聲。

山鵲

唐司空圖

多驚本為好毛衣，只賴人憐始却歸。
衆鳥自知顏色減，妬他偏向眼前飛。

喜山鵲初歸

司空圖

翠衿紅紫便知機久避重羅穩處飛只為從來偏護惜
窻前今賀主人歸

其二

阻他羅網到柴扉不奈偷倉雀轉肥賴爾林塘添景趣
剩留山果引教歸

閣下晝眠

宋 蔡 襄

急雨初收宮殿明紅薇花落暑風清忽傳午漏驚殘夢
寂寂西軒喜鵲聲

寓壺源僧舍

宋吳做

歸來閉戶還高枕
窻隙微通月影斜
風急忽驚烏鵲起
空塔款款墮松花

山家

元劉因

馬蹄踏水亂明霞
醉袖迎風受落花
怪見谿童出門望
鵲聲先我到山家

御定佩文齋詠物詩選卷四百三十五

欽定四庫全書

御定佩文齋詠物詩選卷四百三十六

鳩類

四言古

魏德謳

魏
曹植

斑斑者鳩爰素其質昔翔殷郊今為魏出朱目丹趾靈
姿詭類載飛載鳴彰我皇懿

五言古

白浮鳩

梁 吳均

瑯琊白浮鳩紫翳飄陌頭
食飲東莞野棲宿越王樓

春鳩

唐 元稹

春鳩與百古音響詎同年
如何一時語俱得春風憐
猶知造物意當春不生蟬
免教爭叫噪沸渭桃花前

鳩隱

明 汪應軫

鳴鳩拂其羽四海皆陽春
秋風起鷓鴣蓬棘深歲身
時哉有顯晦微鳥靈於人
孰謂鳩性拙而同鳳與麟

七言古 附長短句

青鳩詞

宋 徐照

勞勞復勞勞，生人半行客。今人行古道，古道有行役。相逢莫等閒，相離易疎隔。殷勤紅杏花，徹宵對芳席。明年花開人東西，青鳩食花舊處啼。

題畫

明 張邦奇

鳩性愛雨花，愛晴同倚東風。不同情春光二月濃，於酒雙鳩醉寐不復鳴。雙鳩不鳴花相語，無令鳩醒叫天雨。

五言絕句

西窓晝雨

元 黃鎮成

三春驚過半，靈雨灑窓西。
鵲腦添爐炷，春鳩隔樹啼。

七言絕句

初晴遊滄浪亭

宋 蘇舜欽

夜雨連明春水生，嬌雲濃暖弄微晴。
簾虛日薄花竹靜，時有乳鳩相對鳴。

絕句

宋 蘇軾

柴桑春晚思依依屋角鳴鳩雨欲飛昨日已收寒食火
吹花風起却添衣

清明日晚晴

宋 沈與求

正好園林藉落英細風吹雨濕清明牆陰旱渴休無賴
自有鳴鳩解喚晴

曾宏父將往雪川見內相葉公以詩為別次其
韻以自見

沈與求

牆根啁啾百鳥鬧最愛乳鳩來喚晴日永春閒深院落

渠能便當管絃聲

邨居秋暮

宋

薛季宣

風迴偃水縠紋平
林末他山筆架橫
場圃未閒黃葉下
鶉鳩啼雨忽啼晴

春日即事

金

周昂

凍柳僵榆未改容
狐裘貂帽尚宜風
欲尋把酒渾無處
春在鳴鳩谷谷中

即事

周昂

楊花顛倒入簾櫳，睡鴨香殘碧霧空。
盡日尋尋不得，鵲鳩聲在夢魂中。

雨中過山

明 高 啟

春雲晻靄澗奔湓，風雨行人過一邨。
不似家山深竹裏，乳鳩啼午未開門。

梨花錦鳩

明 張以寧

一枝新雨帶啼鳩，喚起春寒枝上頭。
說與朝來啼太苦，洗粧纔了不禁愁。

題梨花錦鳩圖

明程本立

萬花深處語黃鸝
花底能無挾彈兒
自在雨鳩春寂寂
一枝晴雪立多時

題鳴鳩拂羽圖

明胡儼

日暖風暄淚竹斑
鳴鳩拂羽樹林間
眼中正是春光好
呼雨呼晴草萼閒

題梨花斑鳩圖

明王恭

繡頸爛斑錦翼齊
梁園春樹好飛棲
樂遊年少偏嫵雨

莫向花間自在啼

過相湖

明懷悅

扁舟飛出相湖東
花片紅穿樹底風
纔聽前邨鳩喚雨
斜陽又在暮雲中

斑鳩

明錢遜

闌草歸來女伴尋
遊絲飛絮惱春心
紫鳩聲歇爐煙冷
門掩梨花暮雨深

春郊即事

明宋登春

春風嫋嫋夕陽西芳艸菲菲楊柳堤行盡谿山有茅屋
青林深處一鳩啼

長幅蠶紙倣叔明

明 李日華

遠山煙重樹萋萋潮落沙寒水一谿獨坐茅亭無一事
晴鳩啼過雨鳩啼

暮春入棲霞山尋張文寺


明 紀 青

山氣陰陰出荷鋤才分瓜子又挑蔬倦來芍藥花前卧
帶雨鳴鳩過艸廬

春寒

明
張宇初

煙雨聲中酒夢殘
靡蕪添綠又春闌
鶉鳩喚處西風急
自是楊花惹暮寒



御定佩文齋詠物詩選卷四百三十六

欽定四庫全書

集部

御定佩文齋詠物詩選卷四百三十七

詳校官侍郎_臣李封

主事銜_臣徐以坤覆勘

總校官檢討_臣何思鈞

校對官中書_臣張曾炳

謄錄監生_臣王思誦

欽定四庫全書

御定佩文齋詠物詩選卷四百三十七

鶯類

五言古

白田馬上聞鶯

唐李白

黃鸝啄紫椹五月鳴桑枝我行不記日誤作陽春時
蠶老客未歸白田已縹絲驅馬又前去捫心空自悲

聞早鶯

唐白居易

日出眠未起屋頭聞早鶯忽如上林曉萬年枝上鳴憶
為近臣時秉筆直承明春深視艸暇旦暮聞此聲今聞
在何處寂寞潯陽城鳥聲信如一分別在人情不作天
涯意豈殊禁中聽

聞晚鶯

明高啟

昨歲聞孤嘖綠陰山院行今朝寢齋雨重聽獨含情西
澗多喬木何為亦到城

黃鳥日來啼

明胡宗仁

黃鳥弄美響日啼檐間樹
檐樹多佳陰覆我庭前路
主人懶出門坐臥送宵曙
若云此中非黃鳥亦應去

七言古

附長短句

侍從宜春苑奉詔賦龍池柳色初青聽新鶯百

轉歌

唐
李白

東風已綠瀛洲艸紫殿紅樓覺春好
池南柳色半青青
縈煙嫋娜拂綺城垂絲百尺挂雕楹
上有好鳥相和鳴
間關早得春風情春風卷入碧雲去
千門萬戶皆春聲

是時君王在鎬京五雲垂輝耀紫清仗出金宮隨日轉
天迴玉輦繞花行始向蓬萊看舞鶴還過蒹若聽新鶯
新鶯飛繞上林苑願入簫韶雜鳳笙

聽鶯曲

唐
韋應物

東方欲曙花冥冥啼鶯相喚亦可聽乍去乍來時近遠
纔聞南陌又東城忽似上林翻下苑綿綿蠻蠻如有情
欲轉不轉意自嬌羞兒弄笛曲未調前聲後聲不相及
秦女學箏指猶澀須臾風暖朝日曷流鶯變作百鳥喧

誰家懶婦驚殘夢何處愁人憶故園
伯勞飛過聲局促
戴勝下時桑田綠不及流鶯日日啼
花間能使萬家春意閒
有時斷續聽不了飛去花枝猶裊裊
還棲碧樹鏢
千門春漏方殘一聲曉

聽鶯曲

元
楊維禎

紫騮踏花雲滿足南陌東阡日馳逐
不如幽谷黃衣郎
好音綿蠻出深木鄰家女兒愁別離
楊花却傍珠簾飛
樓前關山人未歸奈何奈何啼黃鸝

四禽圖

明 李東陽

金堤柳色黃於酒枝上黃鸝嬌勝柳歌喉宛轉色娉婷
種種春光無不有春來何遲去何速回首紅顏憶騎竹
急須携酒聽黃鸝莫待楊花眯人目

秋鶯歌

明 僧宗泐

千林入秋露氣清林中尚有黃鶯聲似與羣蟬爭意氣
東林飛過西林鳴向來春風花滿城柳條拂地如長纓
綿綿蠻蠻斷復續千人萬人側耳聽高樓半醉客閣觥

停吹笙白馬貴公子挾彈不敢驚此時胡為不喜聽奈
何節序移人情只合深藏緘爾口亦有妬爾金衣明反
舌無聲良已久伯勞布穀俱潛形秋鶯秋鶯爾能翩然
入幽谷老翁歌詩送爾便覺心和平

五言律

詠鶯

唐李嶠

芳樹雜花紅羣鶯亂曉空聲分折楊吹嬌韻落梅風寫
轉清絃裏遷喬暗木中友生若可冀幽谷響音還通

詠黃鶯

唐孫處

現睨度花紅間關亂曉空乍離幽谷日先轉上林風翔
集春臺側低昂錦帳中聲詩辯搏黍比興思無窮

聽宮鶯

唐王維

春樹繞宮牆春鶯囀曙光忽驚啼暫斷移處弄還長隱
葉棲承露攀花出未央遊人未應返為此始思鄉

鶯聲

唐羅隱

井上梧桐暗花間霧露稀一枝晴復暖百轉是兼非金

屋夢初覺玉關人未歸不堪閒日聽因爾又沾衣

聞鶯

宋 楊萬里

過雨谿山淨新晴花柳明來穿兩好樹別作一家聲故
欲撩詩興仍添懷友情驚飛苦難見那更綠陰成

五言排律

早春雪中聞鶯

唐 韓愈

朝鶯雪裏新雪樹眼前春帶澀先迎氣侵寒已報人共
矜初聽早誰貴後聞頻暫轉那成曲孤鳴豈及辰風霜

徒自保桃李詎相親寄謝幽棲友辛勤不為身

鶯出谷

唐 錢可復

玉律陽和變時禽羽翮新載飛初出谷一轉已驚人拂
柳宜煙暖衝花覺路春迎風翻翰疾向日弄吭頻求友
心何切遷喬幸有因華林饒玉樹棲託及芳晨

鶯出谷

唐 張鷟

弱質隨儔匹遷鶯正及春乘風音響遠映日羽毛新已
得辭幽谷還將脫俗塵駕鸞方可慕鶯雀迥無鄰遊止

知難屈翻飛在此伸一枝如借便終冀託深仁

柳陌聽早鶯

唐陶翰

忽來枝上轉還似谷中聲乍使香閨靜偏傷遠客情
關難辨處斷續若頻驚玉勒留將久青樓夢不成千門
候曉發萬井報春生徒有知音賞慚非臯鶴鳴

禁林聞曉鶯

唐陸扆

曙色分層漢鶯聲繞上林報花開瑞錦催柳綻黃金斷
續隨風遠間關送月沈語當溫樹近飛覺禁林深繡戶

驚殘夢瑤池轉好音願將棲息意從此沃天心

七言律

流鶯

唐
李商隱

流鶯漂蕩復參差度陌臨流不自持
巧轉豈能無本意良辰未必有佳期
風朝露夜陰晴裏萬戶千門開閉時
曾苦傷春不忍聽鳳城何處有花枝

宮鶯

唐
徐夔

領得春光在帝家早從深谷出煙霞
閒棲仙禁日邊柳

饑啄御園天上花
睨睨只宜陪閣鳳
間關多是問宮娃
可憐鸚鵡矜言語
長閉雕籠歲月賒

早鶯

唐 僧貫休

何處經年絕好音
暖風催出轉喬林
羽毛新刷陶潛菊
喉舌初調叔夜琴
歲雨並棲紅杏密
避人雙入綠楊深
曉來枝上千般語
應共桃花說舊心

鶯梭

元 謝宗可

自織春風金縷衣
穿紅度翠往來飛
柳堤暗捲絲千尺

花塢橫拋錦萬機時見枝頭指蝶去不愁壁上化龍歸
羞同杼軸勞紅女一擲遷喬願有違

禁中聞鶯

明 章 懋

禁苑花深晝漏遲鶯聲遙在萬年枝不隨舞袖歌金縷
却伴仙韶奏玉墀長信夢回欹枕處瑣闌吟罷倚闌時
東風空費如簧舌不道明廷有鳳儀

春暮見鶯

明 石 珪

百花開盡見鶯流一轉能添數種愁巧舌傍人何太苦

春光隨水已難留心驚陌上誰家笛夢破城南少婦樓
柳色萬行聽不斷莫牽詩思到揚州

初自彭城山行聞鶯

明 王世貞

水宿逶迤不計程有無春事未分明白門渡口逢三月
黃鳥行邊始一聲句向清時稀感慨官因遲暮減心情
祇園桃李花如錦祇為遊人特底生

新鶯

明 屠隆

初來閣外弄春暉上下花間試學飛小語未全調玉管

薄寒深自護金衣
龍池萬柳棲應怯
紫殿千門見總稀
九十韶華愁易老
啼殘紅藥綠陰肥

秋鶯

明 廖孔說

喈喈秋老曙河斜
嫩麴清塵浸露華
黃葉誤求空谷友
丹楓虛擬上陽花
蒹葭漠漠逢歸燕
楊柳蕭蕭伴暮鴉
珠箔玉樓絃管日
金衣誰料尚天涯

五言絕句

詠黃鶯兒

唐 鄭 悆

欲轉聲猶澀將飛羽未調高風不借便何處得遷喬

江行

唐 錢起

秋風動客心寂寂不成吟飛上危檣立鶯啼報好音

洛陽陌

唐 顧況

鶯聲滿御堤堤拂柳絲齊風送名花落香紅襯馬蹄

殘鶯

唐 雍裕之

花闌鶯亦懶不語似含情何言百轉舌惟餘一兩聲

早起

唐 李商隱

風露澹清晨，簾間獨起人。
鶯花啼又笑，畢竟是誰春。

春中

唐司空圖

伏溜侵階潤，繁花隔竹香。
嬌鶯方曉聽，無事過南塘。

退居漫題

司空圖

花缺傷難綴，鶯喧奈細聽。
惜春春已晚，珍重艸青青。

曉起聞鶯

元趙孟頫

暑氣曉來清，時時聞遠鶯。
還思故園路，松下綠苔生。

晚春即事

元朱德潤

誰道林鶯老金衣薄更新春來復春去老却聽鶯人

新鶯

明 袁 凱

芳樹何年到西園夢裏驚不須重聽汝只是舊時聲

寄都主事穆

明 李夢陽

江艸喚愁生思君黃鳥鳴遙心將夜月同滿闔閭城

送王生北行

李夢陽

朝散午門西春風起御堤上林花半發幾處早鶯啼

舟中雜詠

明 徐 霖

綠樹坐黃鸝青秧點白鷺睡起倚船窗知是江南路

閒居

明南元善

碧窗紅藥砌青簡綠牙籤花落鶯啼樹風回燕入簾

春晚

明章士雅

春雨過前谿垂楊樹樹低綠窗人不語惟有曉鶯啼

六言絕句

鶯

唐李中

羽毛特異諸禽出谷堪聽好音薄暮欲棲何處雨昏楊

柳深深

湖上

元張憲

紅杏牆邊粉蝶綠楊窗外黃鸝何處春光最好蹋青人
在蘇堤

雜詠

元馬臻

堤晚遊人爭渡花密流鶯亂鳴近水亭臺柳色轉山樓
觀鐘聲

其二

楚尾吳頭舊夢水邊山際閒情一夜杏園風急等閒吹
老鶯鶯聲

郊居

明 袁 凱

日轉花陰傍戶雨餘山色沿堤一雙蝴蝶對舞幾箇鶯
兒亂啼

六言

明 顧 清

園林日日春風市喧不到牆東犬臥落紅籬下鶯啼新
綠陰中

春遊

明李漁

太乙宮前柳色天
清寺口鶯啼暖
風吹面酒醒斜日穿
花路迷

七言絕句

過劉五

唐李頎

洛陽一別梨花新
黃鳥飛飛逢故人
攜手當年共為樂
無驚蕙艸惜殘春

漫興

唐杜甫

眼見客愁愁不醒無賴春色到江亭
即遣花開深造次
便教鶯語太丁寧

寒食寄京師諸弟

唐 韋應物

雨中禁火空齋冷江上流鶯獨坐聽
把酒看花想諸弟
杜陵寒食艸青青

春思

韋應物

野花如雪繞江城坐見年芳憶帝京
閨闔曉開凝碧樹
曾陪鵲鷺聽流鶯

贈遠

唐顧況

暫出河邊思遠道
却來窗下聽新鶯
故人一別幾時見
春草還從舊處生

送郭秀才

顧況

故人曾任丹徒令
買得青山擬獨耕
不作艸堂招遠客
却將垂柳借啼鶯

移家別湖上亭

唐戎昱

好是春風湖上亭
柳條藤蔓繫離情
黃鶯久住渾相識

欲別頻啼四五聲

春霽花萼樓南聞宮鶯

唐 楊凌

祥煙瑞氣曉來輕
柳變花開共作晴
黃鳥遠啼鳩鵲觀
春風流出鳳凰城

春興

唐 武元衡

楊柳陰陰細雨晴
殘花落盡見流鶯
春風一夜吹鄉夢
又逐春風到洛城

和武相公春曉聞鶯

唐 楊巨源

語恨飛遲天欲明
殷勤似訴有餘情
仁風已及芳菲節
猶向花谿鳴幾聲

宮詞

唐王 建

鴛鴦瓦上瞥然聲
晝寢宮娥夢裏驚
元是君王金彈子
海棠花下打流鶯

和門下武相公春曉聞鶯
王 建

侵黑行飛一兩聲
春寒轉小未分明
若教更解諸餘語
應向宮花不惜情

殘春曲

唐白居易

禁苑殘鶯三四聲
景遲風慢暮春情
日西無事牆陰下
閒踏宮花獨自行

春詞

唐施肩吾

黃鳥啼多春日高
紅芳開盡井邊桃
美人手暖裁衣易
片片輕雲落剪刀

山中送友人

施肩吾

欲折楊枝別恨生
一重枝上一啼鶯
亂山重疊雲相掩

君向亂山何處行

江南春

唐杜牧

千里鶯啼綠映紅
水邨山郭酒旗風
南朝四百八十寺
多少樓臺煙雨中

訪友人幽居

唐雍陶

落花門外春將盡
飛絮庭前日欲高
深院客來人未起
黃鸝枝上啄櫻桃

待漏院吟

唐劉鄴

玉堂簾外獨遲遲
明月初沈勘契時
閒聽景陽鐘盡後
兩鶯飛上萬年枝

曉登成都迎春閣

唐 劉 駕

未櫛凭欄眺錦城
煙籠萬井二江明
香風滿閣花滿樹
樹樹樹頭啼曉鶯

和襲美春夕陪崔諫議櫻桃園宴

唐 陸龜蒙

佳人芳樹雜春蹊
花外煙濛月漸低
幾度艷歌清欲轉

流鶯驚起不成棲

鷓鴣

唐司空圖

不是流鶯獨占春
林間彩翠四時新
應知擬上屏風畫
偏坐橫枝亦向人

楊柳枝壽盃詞

司空圖

灞亭東去徹隋堤
贈別何須醉似泥
萬里往來無一事
便帆輕拂亂鶯啼

早入諫院

唐鄭谷

紫雲重疊抱春城，廊下人稀唱漏聲。
偷得微吟斜倚柱，滿衣花露聽宮鶯。

黃鶯

鄭谷

春雲薄薄日輝輝，宮樹煙深隔水飛。
應為能歌繫仙籍，麻姑乞與女真衣。

幽齋

唐僧齊己

幽院纔容箇小庭，疎篁低短不堪情。
春來猶賴鄰僧樹，時引流鶯送好聲。

獨卧

宋 王安石

茅檐午影轉悠悠
門閉青苔水亂流
百轉黃鸝看不見
海棠無數出牆頭

示西林可師

宋 朱子

身世年來欲兩忘
一春隨意住僧房
行逢舊隱低回久
綠樹鶯啼清晝長

五月聞鶯

宋 范成大

桑陰淨盡麥頭齊
江上聞鶯每歲遲
不及曉風鴨鵝子

迎春啼到送春時

其二

一聲初上最高枝
忙殺嘔啞百舌兒
老盡西園千樹綠
却憐槐眼正迷離

晚春田園雜興

范成大

雨後山家起較遲
天窗新色半熹微
老翁敲枕聽鶯轉
童子開門放燕飛

新涼

宋 徐璣

水滿田疇稻葉齊日光穿樹曉煙低黃鶯也愛新涼好
飛過青山影裏啼

越州歌

宋

汪元量

年年宮柳好春光百轉黃鸝遠建章
治杏天姚紅勝錦
牡丹屏裏燕諸王

宮詞

宋

花蕊夫人

侍女爭揮玉彈弓金丸飛入亂花中
一時驚起流鶯散
踏落殘花滿地紅

城西遊

元 劉秉忠

昨朝信馬鳳城西
鞭約垂楊過小堤
春色滿園花勝錦
黃鸝只揀好枝啼

柳下聽鶯

元 許有孚

陰陰煙翠足潛身
其奈嬌喉百轉新
却憶當年閭闔曉
恩袍光照上林春

到京師

元 楊載

城雪初消薺菜生
角門深巷少人行
柳梢聽得黃鸝語

此是春來第一聲

題黃鸝海棠圖

元陳旅

二月園池蜀錦殷多情
宮鳥喜來看上林
春色濃於酒
莫把黃金鑄彈丸

和馬伯庸學士擬古宮詞

元貢師泰

雲影微開日脚垂
杏花深院落遊絲
不知誰動秋千索
驚起黃鸝過別枝

京城春日

元納延

官牖水消綠漫堤落花流水五門西黃鸝不管春深淺
飛入南城樹上啼

次韻趙祭酒城東宴集

元 納 延

金河流水碧粼粼御柳煙銷曙色新黃鳥只愁春去遠
隔窗呼醒看花人

即席用蘇世賢韻送郭子昭

元 許 謙

攬轡春風入駿蹄兩堤煙柳護晴谿黃鶯自有留人意
相對殘紅不忍啼

湖光山色樓口占

元 顧瑛

雨隨牛跡坡坡綠雲轉山腰樹樹齊江閣晚添涼似洗
隔林時有野鶯啼

春日幽居

元 馬臻

淺淺春風尚帶寒日斜香篆半燒殘杏花一樹開如錦
怕觸啼鶯不倚闌

邨中書事

馬 臻

軋軋綠車艸屋低新篁帶籜出檐齊鶯雛未省逢人避

直向路傍花上啼

賦得聞鶯送客

明 朱恬爇

隔市炊煙曙色遲
小城初霽落花時
嬌鶯歷歷啼芳樹
不解春風有別離

閏三月有感

明 高 啟

綠樹殘鶯偶一鳴
聽來方解憶山行
今年不是逢餘閏
已過春光半日程

春夜

明 沈 應

半輪月映杏梢頭
小院朱簾却上鉤
鶯怯輕寒猶未睡
畫欄西畔替人愁

黃鶯

明 李東陽

柳花如雪滿春城
始聽東風第一聲
夢裏江南舊時路
隔谿煙雨未分明

新春謾興

明 劉玉

杖藜門外問浮槎
路隔谿南處士家
梅子漸肥椀子瘦
黃鸝啼盡雨中花

雨中過匏菴先生園居

明 陳章

海月菴前景自清
更看疎雨快吟情
紅芳落盡還堪賞
綠樹黃鸝三五聲

京館聞鶯

明 祝允明

天風吹出掖垣聲
瀏亮緜山午夜笙
錯認闔門折楊柳
一時飛夢滿江城

白雀返棹李王二子送余過虞山下作

明 王寵

隨山高下野人家
春夏林深不斷花
可奈流鶯千百轉
陰陰綠樹映紅霞

絕句

明蘇濂

新筍抽林與屋齊
亂紅飛過畫闌西
流鶯不管春來去
坐向綠陰深處啼

春盡日聞鶯

明孫艾

正愁春去對春風
忽聽鶯啼碧樹叢
無數飛花向簾幕
將愁盡入一聲中

愚公園春酌

明謝榛

共醉春風且放情，白雲無定若浮名。
好花開落尋常事，遮莫黃鸝不住聲。

早夏示殿卿

明李攀龍

長夏園林黃鳥來，百花春酒復新開。
人生把酒聽黃鳥，黃鳥一聲酒一杯。

徐汝思見過林亭

李攀龍

五柳陰陰逼酒清，一杯須見故人情。
明朝馬上聽黃鳥。

不似尊前喚友聲

飲錢大花樹下

明 吳孺子

平堤水漫小紅香醉後風來花滿床
無奈黃鸝仍勸酒
數聲飛過竹邊牆

鷺嶺寺寄友人

明 吳 兆

水漫長橋深復深寺門花密柳陰陰
尋余只在鶯聲裏
不聽鶯聲何處尋

御定佩文齋詠物詩選卷四百三十七

欽定四庫全書

御定佩文齋詠物詩選卷四百三十八

燕類

五言古

詠雙燕

宋鮑照

雙燕戲雲崖羽翰始差池出入南閨裏經過北堂陰
意欲巢君幕層楹不可窺沈吟芳歲晚徘徊韶景移
悲歌辭舊愛銜淚覓新知

其二

可憐雲中燕，旦去暮來歸。自知羽翅弱，不與鵠爭飛。寄聲謝飛鵠，往事子毛衣。瑣心誠貧薄，巨宏節榮衰。陰山饒苦霧，危節多勁威。豈但避霜雪，當做野人機。

雙燕離

梁簡文帝

雙燕有雄雌，照日兩差池。銜花落北戶，逐蝶上南枝。桂棟本曾宿，虹梁早自窺。願得長如此，無令雙燕離。

新燕

簡文帝

新禽應節歸俱向吹樓飛入簾驚釧響來窻礙舞衣

和晉安王詠雙燕

梁庾肩吾

可憐幕上燕差池弄羽衣
夜夜同巢宿朝朝相對飛
銜泥瞻樂善相賀奉英徽
秋蟬行寂寞戀此未辭歸

詠簷燕

庾肩吾

雙燕集蘭閨雙飛高復低
向戶疑新箔登巢識故泥
依欄本相賀近幕願同棲

贈杜容成

梁吳均

一燕海上來一燕高堂息一朝相逢遇依然舊相識問
余來何遲山川幾紆直答言海路長風駛飛無力昔別
縫羅衣春風初入帷今來夏欲晚桑扈薄樹飛

詠燕燕于飛應詔

陳江總

二月春暉暉雙燕理毛衣銜花弄霍靡拂葉隱芳菲或
在堂間戲多從幕上飛若作仙人履終向日南歸

詠銜泥雙燕

陳蕭詮

銜泥金屋外表瑞玉筐中學飛疑漢妾巢幕憚吳宮爪

截還猶短窠成新尚空詎並零陵石飛舞逐春風

賦得簷燕

唐
皇甫冉

拂水競何忙傍簷如有意翻風去每遠帶雨歸偏駛今
君栽杏梁更欲年年去

賦得巢燕送客

唐
錢起

能棲杏梁際不與黃雀羣夜影寄紅燭朝飛高碧雲含
情別故侶花月惜春分

賦得早燕送別

唐
李益

碧草縵如線去來雙飛燕長門未有春先入班姬殿梁
空繞復息蒼寒窺欲徧今至隨紅萼昔還悲素扇一別
無秋鴻差池詎相見

燕詩示劉叟

唐白居易

梁上有雙燕翩翩雄與雌銜泥兩椽間一巢生四兒四兒
日夜長索食聲孜孜青蟲不易捕黃口無飽期嘴爪雖欲
弊心力不知疲須臾十來往猶恐巢中飢辛勤三十日母
瘦雛見肥喃喃教言語一一刷毛衣一旦羽翼成引上庭

樹枝舉翅不回顧隨風四散飛雌雄空中鳴聲盡呼不歸
却入空巢裏啁啾終夜悲燕燕爾勿悲爾當返自思思爾
為雛日高飛背母時當時父母念今日爾應知

晚燕

白居易

百鳥乳雛畢秋燕獨蹉跎去社日已近銜泥意如何不
悟時節晚徒施工用多人間事亦爾不獨燕營窠

雙燕曲

明楊慎

有鳥名飛燕雌雄自相將飲君玉池水巢君文杏梁美

人當軒坐恐浣羅衣裳請君驅除之君憐不忍傷雛生
八九子嬌愛比鳳凰鳴聲何啾啾聞我庭東廂習飛還
不遠墮墜雙扉旁主人戒廬兒毛羽無摧戕不啄五株
桃不噉五畝梁秋風從西起翩翩向南翔昔為黃口兒
今為烏衣郎辭巢謝主人華屋恩難忘願主壽千歲歲
歲巢君堂

七言古

附長短句

賦得戲燕俱宿

隋

虞世基

大厦初構與雲齊
歸燕雙入正銜泥
欲繞歌梁向舞閣
偶為仙履往蘭闈
千里爭飛會難並
聊向吳宮比翼棲

燕銜泥

唐韋應物

銜泥燕聲嘯嘯尾
涎涎秋去何所歸
春來復相見豈不
解決絕高飛碧雲
裏何為地上銜泥
滓銜泥雖賤意有
營杏梁朝日巢欲
成不見百鳥畏人
林野宿翻遭網羅
俎其肉未若銜泥
入華屋燕銜泥百
鳥之智莫與齊

春燕詞

唐王建

新燕新燕何不定東家綠池西家井飛鳴當戶影悠揚
一遶簷頭一遶梁黃姑說向新婦女去年墮子汚衣箱
已能辭山復過海幸我堂前故巢在求食甚勿愛高飛
空中飢感為爾害辛勤作窠在畫梁願得年年主人愛

京城燕

元納延

三月京城寒悄悄燕子初來怯清曉河堤柳弱冰未消
墻角杏花紅萼小主家簾幕重重垂銜芹却向檐間飛
託巢未穩井桐墜翩翩又向南歸君不見舊時王謝

多樓閣青瑣無塵捲珠箔海棠花外春雨晴芙蓉葉上
秋霜薄

五言律

詠燕

唐李嶠

天女伺辰至玄衣澹碧空差池沐時雨頡頏舞春風相
賀雕闌側雙飛翠幕中忽驚留爪去猶冀識吳宮

詠燕

唐張九齡

海燕何微眇逢春亦暫來豈知泥滓賤只見玉堂開繡

戶時雙入華軒日幾回無心與物競鷹隼莫相猜

雙燕

唐
杜甫

旅食驚雙燕銜泥入此堂應同避燥濕且復過炎涼
養子風塵際來時道路長今秋天地在吾亦離殊方

歸燕

杜
甫

不獨避霜雪其如儔侶稀四時無失序八月自知歸
春色豈相訪衆雛還識機故巢倘未毀會傍主人飛

空梁落燕泥

唐
顧况

卷幕差池燕常銜濁水泥為黏珠履跡未等畫梁齊舊
點痕猶淺新巢緝尚低不緣頻上落那得此飛棲

洞房燕

唐張祜

清曉洞房開佳人喜燕來乍疑釵上動輕似掌中迴暗
語臨窻戶深窺傍鏡臺妝成正含思莫拂畫梁埃

燕

唐羅隱

不必嫌漂露何妨養羽毛漢妃金屋遠盧女杏梁高野
迴雙飛急煙晴對語勞猶勝黃雀在棲息是蓬蒿

燕雛

唐吳融

掠水身猶重，偎風力尚微。
瓦苔難定立，簷雨忽喧歸。
未識重溟遠，先愁一葉飛。
銜泥在他日，兩兩占春暉。

贈燕

金李宴

王謝堂前燕，秋風又送歸。
向人如惜別，入戶更低飛。
海闊迷煙島，樓高近落暉。
不知從此去，幾日到烏衣。

雪中燕

明楊基

燕雪兩差池，相兼拂繡幃。
玉樓迷故壘，珠箔見烏衣。
斜

訝衝花落輕疑掠絮飛
曉寒人未起還認畫梁歸

題綠柳紫燕圖

明王 裒

綠柳夏依依差池玄鳥飛
蹴花隨別騎銜絮點征衣
隋渚晴煙暝章臺夕照微
衡門相託久應傍主人歸

歸燕

明施 敬

已知秋社近更繞畫梁飛
主人豈不念天時難獨違
雙歸遼海遠對語夕陽稀
花雨重來日故巢還是非

賦得燕燕于飛

明方九叙

小院百花香輕簾雙燕翔影隨春陌近聲入干風涼越
蜨迴雕砌銜花赴彩梁空閨朝復暮徒切畫省長

春燕

明 潘之恒

海燕留空壘逢春幾度歸引雛將惜惜識主故依依解
語欺黃鳥謀身尚黑衣莫嫌泥滓污曾向玉樓飛

五言排律

歸燕

唐 武元衡

春色遍芳菲間簷雙燕歸還同舊侶至來遶故巢飛敢

望煙霄達多慚羽翮微銜泥傍金砌拾藥到荆扉雲海
經時別雕梁長日依主人能一顧轉盼自光輝

歸燕詞

唐
李建勳

羽翼勢雖微雲霄亦可期飛翻自有路鴻鵠莫相嗤待
侶臨書幌尋沉傍藻池衝人穿柳徑捎蝶繞花枝廣廈
來應徧深宮去不疑雕梁聲上下煙浦影參差舊地人
潛換新巢雀謾窺雙雙暮歸處疎雨滿江渚

七言律

燕

唐鄭谷

年去年來來去忙
春寒煙溟渡瀟湘
低飛綠岸和梅雨
亂入紅樓揀杏梁
閒几研中窺水淺
落花徑裏得泥香
千言萬語無人會
又逐流鶯過短牆

雛燕

元張弘範

羽毛香潤態含癡
睡足雲兜力尚微
喚母但能啾唧語
應巢猶倦往來飛
薰風庭院簾初卷
落日池臺人乍歸
白鳳赤龍渾異事
爭如隨分著烏衣

燕

元 劉 堦

萬里來從海外邨，定巢時聽語頻頻。
簾風半捲重門曉，社雨初晴二月春。
尾上繫詩成往事，掌中學舞是前身。
華堂茅屋依然坐，幾處相逢舊主人。

睡燕

元 謝宗可

補巢銜罷落花泥，困頓東風倦翼低。
金屋晝長隨蝶化，雕梁春盡怕鶯啼。
魂飛漢殿人應老，夢入烏衣路轉迷。
却怪卷簾人喚醒，小橋深巷夕陽西。

白燕

明時大本

春社年年帶雪歸
海棠庭院月爭輝
珠簾十二中間捲
玉剪一雙高下飛
天下公侯誇紫領
國中儔侶尚烏衣
江湖多少閒鷗鷺
宜與同盟伴釣磯

燕泥

明瞿佑

水溢芹塘過晚潮
土膏滋潤長蘭苕
綠楊影裏和烟拾
紅杏香中帶雨調
舊壘綢繆惟恨晚
空梁零落可憐宵
貪高笑爾雙烏鵲
結得危巢易動搖

白燕

明
顧清

海國年年傍社歸
春來爭訝羽毛非
不經乳穴移仙骨
似剪齊紈作舞衣
已化玉釵空悵望
未消紅縷故依稀
月明昨夜風簾動
驚起還隨白練飛

白燕次希大韻

明
儲巖

歸來海國幾陰晴
顧影翻疑夢未明
暮渚掠迴宜月淡
秋林辭去著霜輕
却愁太潔還多忌
所幸同羣不異聲
十載長安衣化盡
為渠摇曳轉關情

燕

明朱訥

三月巢乾雛未成
茅堂來往日營營
說殘千夢千聲巧
剪破春愁兩尾輕
宮柳陰濃金鎖合
水芹香細綠波晴
畫闌十二無人倚
一半梨花一半鶯

和顧汝和玉河見白燕

明黎民表

杏花桃葉盡芳菲
曲水春風半掩扉
玉羽乍窺池上影
霓裳如舞月中衣
畫梁多是無心繞
金屋誰同作伴飛
回首鳳笙雲路杳
雕籠爭道不如歸

其二

曾是烏衣國裏身
玉樓瓊榭換丰神
雙飛剪出機中素
獨立妝成掌上人
月下步搖花有態
水邊飄動襪生塵
梁園詞客難成賦
洛浦相逢總未真

玉燕

明朱之蕃

露湛秋空送爾歸
乘春海國帶霜飛
晶瑩好入霓裳隊
剪掠分將鶴羽翬
翠袖投來天兆瑞
梅梁棲處月垂輝
瓊花珠樹移根易
何似珍禽憶舊扉

白燕

朱之蕃

入聽呢喃舊語諱驚看玉質點簷牙烏衣國裏誰同侶
白板扉中自一家掠水影隨水盡泮穿簷光透月初斜
上林來往翻飛處孃孃梨花更柳花

應制題扇

明
申時行

羣芳爛熳吐春輝雙燕差池雪羽飛玳瑁梁間寒色瑩
水晶簾外曙光微翻玉剪穿花過試舞霓裳帶月歸
一自銜恩金屋裏年年送喜傍慈幃

五言絕句

燕巢軍幕

唐
宋之問

非關憐翠幕不是厭朱樓
故來呈燕頷報道欲封侯

春燕

唐
徐璧

雙燕今朝至何時發海濱
窺人向簷語如道故鄉春

長相思

唐
張繼

遼陽望河縣白首無人見
海上珊瑚枝年年寄春燕

淮陰行

唐
劉禹錫

何物令儂羨羨郎船尾燕銜泥越檣竿宿食長相見

古宮詞

唐皮日休

玉枕寐不足宮花空觸簷梁間燕不睡應怪夜明簾

雜詩

宋梅堯臣

燕立茅簷脊燕銜芹岸泥巢成同養子薄暮亦同棲

雙燕

宋范成大

底處雙飛燕銜泥上藥欄莫教驚得去留取隔簾看

燕

元宋无

銜得香泥去花間日午時玉人方睡起莫訝卷簾遲

春曉

明于謙

晝靜暖風微簾垂客到稀畫梁雙燕子不敢傍人飛

春曲

明李夢陽

翩翩誰家燕銜泥向何所避人花叢裏忽復梁間語

社燕吟

明朱應登

不忍輕飛去低徊遶井欄情知歸計決祇為別巢難

題畫

明李蒼

春水流何遠春雲暖故饒柳邊雙燕子時觸最長條

六言絕句

燕

唐
李中

豪家五色泥香銜得營巢太忙喧覺佳人晝夢雙雙猶
在雕梁

遠歸園

明
陳繼

杜宇一聲春盡楊花千里人歸半捲東風羅幕任放雙
燕飛飛

七言絕句

蘓谿亭

唐
戴叔倫

蘓谿亭上草漫漫
誰倚東風十二欄
燕子不歸春色晚
一汀煙雨杏花寒

宮燕詞

唐
楊巨源

毛衣似錦語如絃
日暖爭高綺陌天
幾處野花留不得
雙雙飛向御爐前

歸燕下第後獻主司

唐
章孝標

舊壘危巢泥已落今年故向社前歸連雲大厦無棲處
更遶誰家門戶飛

歸燕

唐杜牧

畫堂歌舞喧喧地社去社來人不看長是江樓使君伴
黃昏猶待倚闌干

邨舍燕

杜牧

漢宮一百四十五多下珠簾閉瑣窻何處營巢夏將半
茅簷煙裏語雙雙

春來燕

唐
杜荀鶴

我屋汝嫌低不住，雕梁畫閣也知寬。
大須穩擇安巢處，莫道巢成却不安。

秋燕

唐
司空圖

從撲香塵拂面飛，憐渠只為解相依。
經冬好近深爐暖，何必千巖萬水歸。

新燕

唐
成彥雄

纔離海島宿江濱，應夢笙歌作近隣。
減省雕梁並頭語，

畫堂中有未歸人

燕來

唐韋莊

去歲辭巢別近鄰今年空訝草堂新
花間對語應相問可是邨中舊主人

燕

唐滕白

短羽新來別海陽朱簾高捲語雕梁
佳人未必全聽爾正把金鍼繡鳳凰

詠燕上主司

唐歐陽澥

翩翩雙燕畫堂開
送古迎今幾萬回
長向春秋社前後
為誰歸去為誰來

送人還吳江道中作

宋 蘇舜欽

江雲春重雨垂垂
索寞情懷送客歸
不憤東流促行棹
羨他雙燕逆風飛

春近四絕句 錄一

宋 黃庭堅

閨後陽和臘裏回
濛濛小雨暗樓臺
柳條榆莢弄顏色
便恐入簾雙燕來

春日

宋 范成大

西窗一雨又斜暉
睡起熏籠換夾衣
莫放珠簾遮洞戶
從教燕子作雙飛

貞燕

金 元好問

杏梁雙宿復雙飛
海國爭教隻影歸
想得秋風逼涼冷
謝家兒女亦依依

卜居

金 李俊民

東隣西舍兩三家
簌簌牆頭落棗花
慚愧畫梁雙燕子

笑人今日又天涯

庚子營又青舊業

元 尹廷高

燕子重尋舊主人呢喃語別幾經春足間紅縷猶無恙
巷口斜陽記不真

留燕

元 劉秉忠

銜泥舊燕壘新巢來往如辭曲折勞蝸舍雖微足容爾
畫梁爭得幾多高

文婦詞

元 元 淮

掠起雲鬟賦小詩
文窓畫永筍初肥
木香架畔薔薇落
簾幕無風燕子飛

新燕

元 張弘範

海棠開後月黃昏
玉謝樓臺寂寂春
柳外東風花外雨
香泥高壘畫堂新

即事

元 趙孟頫

湘簾疎織浪文稀
白苧新裁暑氣微
庭院日長賓客退
繞池芳草燕交飛

詭燕

元 馬祖常

風雨池塘鬪頡頏
春來秋去一生忙
世間多少寬閒境
辛苦營巢傍屋梁

寄示男武子

馬祖常

爛熳天孫織錦機
春風吹雨洗芳菲
香泥滿地胭脂濕
只許新來燕子飛

臘日偶題

元 虞 集

舊時燕子尾
珍珍重覓新巢
冷未堪為報
道人歸去也

杏花春雨在江南

絕句

元 范梈

幽人不出戶常開看盡春風長綠苔
多謝有情雙燕子
暫時飛去又飛來

雙燕圖贈王惟中

元 傅若金

玄鳥飛時綠樹春
湖南煙際往來頻
明年社日君何處
逢著新巢憶故人

燕子詞

元 楊維禎

燕子來時春雨香
燕子去時秋雨涼
鴛鴦一生不作客
夜夜不離雙井塘

其二

燕子樓頭入妾家
燕來燕去惜容華
祇應韓重相思骨
化作湖中並蒂花

登雙鳳普福宮東樓贈吳道傳時周境存隱君

同席

元王逢

道人獨坐覽輝樓
海底青天入座流
燕子飛來又飛去

遊絲挂在玉簾鉤

西湖竹枝

元 錢惟善

春日高樓間竹枝梨花如雪柳如絲
珠簾不被東風捲
只有空梁燕子知

春興

元 僧善住

三月江南春日長
柳陰庭院午風涼
離懷漠漠深于海
燕子飛來語畫梁

古宮詞

明 朱讓栩

宮牆西望對殘霞
結陣翻飛繞暮鴉
簾幕飄搖風動處
有情雙燕自歸家

宮詞

明 申屠衡

青瑣春閒漏點遲
博山香煖翠烟微
隔簾誰撼金鈴響
知是花間燕子歸

漫興

明 史遷

好風輕雨趁輕雷
一洗山川晝畫開
誰道衙門無過客
春深還有燕飛來

春日偶成

明 樊 阜

硯池香沁墨雲乾
酒醒無情懶著冠
燕子歸遲春欲盡
落花吹雨小樓寒

春思

明 王 誼

山映簾櫳水映窓
浣紗人在芡蘿江
年年三月梨花雨
門掩東風燕子雙

燕

明 李東陽

繡戶朱簾有路岐
別時嫌早到嫌遲
主家只解憐毛羽

沈盡雕梁不自知

春日睡起

明張泰

春眠仍值酒初酣
奈可梁間燕二三
好夢斷來何處續
落花風雨滿江南

春閨詞

明王瑞

十二闌干透玉樓
珠簾垂影控金鈎
多情最是梁間燕
泥軟花香去復留

燕

明葉權

何幸棲君玳瑁梁
薔薇花下越餘香
願教春色年年在
不惜雙飛日日忙

青樓曲

明 王伯禔

日長深院石榴開
嬾鬪紅妝傍鏡臺
偏愛雙飛雙燕語
自開珠箔放歸來

春詞

明 宋登春

南浦誰家薦綠蘋
野堂又發楚山春
滿城芳草煙和雨
江燕飛來似識人

春日小齋

明沈野

社日方過花正肥
閒庭亦自長苔衣
柴扉暫啟元無事
恐有梁間燕子歸

燕

明陳价夫


暫逐東風別海涯
去年營壘是誰家
春光浪信江南好
到得江南又落花

自適

明李氏

虛簷殘溜雨纖纖
枕簟輕寒曉漸添
花落後庭春睡美

呢喃燕子要開簾



御定佩文齋詠物詩選卷四百三十八